

484 84  
DEO OPTIMO MAX.

62  
UNI ET TRINO,

VIRGINI DEI-PARÆ, ET S. LUCÆ  
Orthodoxorum Medicorum Patrono.

QUESTIO MEDICO - CHIRURGICA,

QUODLIBETARIIS DISPUTATIONIBUS  
*manè discutienda in Scholis Medicorum, die Martis vigesima-sextâ  
mensis Februarii, Anno Domini M. DCC. LX.*

M. DAVID VASSE,

M. LUDOVICI PATHIOT, vices gerente, Doctore Medico,  
Præside.

*An vulnere curatio quò simplicior, eò melior?*

I.



ITO, tutò & jucundè maximè decantata Chirurgorum sententia Crepat illam in operationibus suis Ars ambidextra: crepet & illam in sagaci morborum omnium externorum curatione. His tribus unicè gaudeat tota, quibus si ritè consulit ritè procedit. Consulunt quidem peritissimi Magistri. Exulavère tot diversi generis Spicula, Lanceoli, Forcipes, Laquei: exulavère tot & Unguenta, Digestiva, Balsama, Caustica, Armamentarium ipsi suum mundavère, officinaque multò minùs fœda factaque infirmorum oculis proponitur. Simpliciter agit & agit optimè natura. Naturam ministra sequatur Ars: ab illâ numquam vel unico obrutu deviet; & exinde si simpliciter curès, citò, tutò & jucundè curabit.

II.

ENIM-verò cui bono tanta in curando vulnere topicorum farrago? Vulnus est recens continui solutio: continui redintegrationem natura citiùs-ociùs expetit & promover. Si promoveat, absint tot incarnantia, tot cicatrisantia medicamenta, verba sanè futilia, quasi ab ipsis reapse natura particulas renovandis accommodando fibris mutaretur! & in hoc sensu *Sancassanianum* \* illud intellige: *pharmacum nihil prodest in vulnere curatione nisi ad decus politicum*. Dives opis natura suæ; quod sola gluten elaboravit, sola fibris rejuvendis atque resarciendis idoneum suppeditare valet. Opibus ergo suis ut possit opportunè placidèque potiri omnis allaboret ars, Imò & ipsâ monstrante viam discet Chirurgus quod leviori juvare debeat armaturâ; patet enim illam ad rectos sanitatis tramites eodem ferè tenore semper remeare. Ad curam igitur vulnere proprio quò simpliciore eò sanè meliorem; quod per theoriæ momenta, & per processum praxeos maximè comprobatur pro viribus conabor specialius demonstrare, 1º, quidem in vulnere simplici.

\* *Sancassanianum* aforism.  
della cura delle ferite.

A

**SIMPLICIOR** vulnere cura ea est, quæ iuvante simpliciori Chirurgiâ, citius peragitur: quod ut fiat, per Phlebotomiam imprimis sagandum. Hæc enim si juxta vulneris indolem plus minusve celebretur, nisi præcesse it hæmorrhagiæ amplitudo & suppleverit, nimia vasculorum turgescencia, inflammatio, strangulatio, sexcenta mala avertuntur, apparatusque vulnere mox apponendus longè simplicior evadit & salubrior. Ille autem, quoad simplicem continui solutionem, si tonicam fibrillarum vim juxta vulneris labia corroboret, nimius fluidorum fluxus & subsequens majoris circum circa tumefactionis periculum certò reprimitur: *majoris*, inquam; nam benignam imò & utilem juxta vulnus fororiarî oportet, quia scilicet incisæ fibræ corrugantur elatere, spatiumque profundius occupant. Corrugatio quæ canaliculorum undas & serpentinos influxus multiplicat, difficiliorem, si idem ac in partium continuitate tóni permaneret vigor, humoribus appulsus stueret: verum tónica vasculorum vis hebes cùm sit, facilius illi penetrantur, ingurgitantur. Solum ergo topicum adhibendum, quod debiliorem acuere valeat corrugationem, appulsusque fluidorum simul temperare. Deinde vulnus ipsum fomento paululum vellente detergendum; proindeque id solum roboris apertis canaliculorum osculis impertitur, quo gluten, ut per insensilem stillationem solidescat, indiget. Initio tamen, experientiâ teste, fomenta nimium acuta ab intimo vulnere exulent; nè arteriolarum oscula fortius contracta humores malè retardent, illi autem acorem æquidant, vividius quantiantur, in pus abeant. Periculum minus, si vicina vulneris acutior illo fomenti genere stimuletur: nam corrugata vasculorum longitudo, deindeque magis contracta tardiorém tutioremque glutini viam dat, ut ostiola in vulnere paulò laxius deficiente lentius induantur & firmius: sensim enim & sine sensu natura repit & perficit. Jam paucissimis Chirurgum indigere patet, quæ talem operam bene subministrant, & incassum tor unguenta stratificant, qui naturæ volunt imperare. Ad juvandum suppurationem nova-nè praxis? Minimè: mox expositam, si velis, invertè; rectius procedes & simplicius. Vulnus intimum vividioribus primo in apparatu aculeis vellicetur, confinia quæ sine paulò laxiora. Fluidum facilius intromitteretur, difficilius stillabit, acrius fiet, sequetur inflammatio, nec mora pus & quidem laudabile, quod per plumaceolum fove strato unguenti, ut aiunt, digestivi levissimo indutum: & illa sit unguenti indoles, quæ paululum vivificet & lubrefaciat. Sufficit unicum, imò nullum non levioris notæ magistri admove-re con-clamant. Quidquid sit, dummodò rectos naturæ tramites paraveris, sibimet auxiliabitur, nec aberrabit, nisi vitium adsit fluidis intimum. Proh! quàm inopportunè strata unguentorum malè pingua multiplicas! sicinè per hostilem apparatus firmiores carniū furculos placidè fororiarî contendis? nonne vides per venena illa Peptica fluidis nutritiis liberiorém invitâ naturâ viam aperiri: lentorem illis placidum, qui genuinæ cohesionis fomes unicus, permitte. Sin minus aut emerget infirma & informis fungorum familia, laxior & periturus agger: vel pus ichorosum & aquosum affluet, lotura carniū caustica. Certius natura paraturit. Fœtum dat sola legitimum: non topicis malè pressa, neque turundis precipuè collisa. Insaustus harum usus quid sibi vult? Hostis naturæ insensissimus, vulneris tortor, Chirurgi malè cauti dedecus! Illas tanquam pugiones cave tu cautor! non enim labia vulneris arteres, contundes, invertes, callo indurabis: non pus in vulnere nidulans eliminari prohibebis. Si verò vulneris osculatio retardari, quod rarò fit, indiget: laxum plumaceolum arte longè minori paratum, vel si mavis duplicatum fetaceum infina; vulneris labia amiccè dehiscant, pus liberius effluet; & à plumacolis molliter superjectis imbibetur. Non majorem Chirurgus faciescit operam cicatrix. Quò lentius præcedit vulnere gluten; eo coalitioni propius, juxta innatam fluidorum humani coporis indolem, Nec illud à

3

sentore putrefieri timendum; partibus gaudet homogeneis nec dimicare invicem paratis: itaque lentius stillando siccius coeat, unde pelliculam superferne firmiorem, quàm novum ædificantis lymphæ stillicidium ultrò cohibeatur, seu per collaterale canali- culorum commercium circulationis oceanum repetere cogatur. Sigillum & illud im- pervium vulneri natura non ars imponit. Cum autem per totum ferè curationis stadi- um vulnervis margines corroboraveris, vasque cicatricem fabricantia gluten ex in- drole suâ lentius advehant, naturam ferè nullo, nullo, inquam, topico indigere liquet; vias jam habet paratas, ritè ambulabit. Felix confirmat experientia simplicitatem amicam veritatis. Mox idem de vulnervis accidentibus, ni fallor, judicandum.

I V.

**A** B hæmorrhagia principium. Hæc autem si copiosius & de trunco principe pro- rumpat, mox sanguinis alvei, quasi per syphonem, exhaurientur: cum vivi- fico latice profluet vitæ vis, animal occidet. Manum Chirurgia citius-ocius admo- veat, ideoque modum edutorem quò simpliciorem advocet. Actuale cauterium nobis displicet; quorsum enim se tortorem prodar Chirurgus, si tutius, si jucundius mederi valeat? Non deinde talem obtinebis medelam, si potentiale cauterium ad- hibebas: v. g. linteola liquoribus vividè stypticis imbuta, frustulum vitriolicum xilo indutum, vel aluminosum cuniculum lateri ejaculantis arteriæ infixum. Nam quid inde? 1º. cauteriorum multiplicatio: 2º. dolor acutus & diuturnior: 3º. dum lique- cit vitriolum, vicinasque arteriæ partes quasi serpendo rodit & depascitur, sanguis ambiens coagulatur, corrugata vasa circum circa putrescunt: putrefactio profundior ambitum arteriæ hinc inde diruit, & si eschara decidat arteriæ, decedit & adjacens. carni eschara: mœnibus suis vas sanguinis impulsu firmius sustentibus spolia- tur, & sæpe sæpius disfringentis hæmorrhagiæ profluvium recrudescit. Modum ergo tutiorem aggrediamur & longè simpliciorem. Hic autem ligaturam arteriæ compello à longo tempore multò felicius institutam: quæ bene si fiat, obex struitur imper- vius adversus primos irruentis sanguinis impulsus. Unde sanguineum flumen sensim per laterales rivulos deflucti assuescit, placidiorque succrescit carni agger, quo subito post escharæ casum basis arteriæ velut obruitur, resistentiaque repercutions intenditur. Modos tamen alios omninò non abigi volumus. Utinam vulnervis ac- cidentia intra hæmorrhagiam consistenter! fortior enim contusio organicam carnium structuram atterit & quasi discerpit: simul contrita jacet vitæ vis: ingurgitantur hu- mores, imbibuntur, stagnant, vitium capiunt desides, conquati non possunt, nec in pus converti, acorem induunt, corrodunt, vicina crispant, gangrenoso afflantur spiritu. Porò pro tantâ fibrarum strage simpliciter & optimè relasciendâ, imprimis requiritur, ut contusæ partes humore illo lutofo & obruente subleventur, unde altior contusio scarificationum ostiis, levior medicamentis acutè résolventibus lase- fenda. Rursus cum expertissimis magistris cave, ne leviorum contusionem topicis nimium acuris & penetrantibus exsiccet & arefacias, & vice versâ. Tandem vis illa medicamentorum sit in ratione contusionis, & semper ea illorum indoles, quæ san- guinis stagnans ichor dissolvatur, particularum corrosio præpediatur, involvatur, carnes condiantur; roborentur aculeisque benignioribus stimulentur. Sic suppura- tionis opus proindeque partium contusarum collapsus sensim instruitur: & emerget omninò suppuratio, si contusæ fibræ medium artis beneficio inter nimiam laxitatem & ariditatem obtineant. Laxior contusarum compages affluens liquidum inertis in- star spongiæ exfugeret, neque resistentiam prænderet, mediantè quâ per arietan- tem in suppuratione sciendâ systoles vim detrudi debet: sicciior verò & quasi retorrida contusarum compages adhuc dum semitritam fibrillarum subjacentium contiguitatem fortiùs distraheret, dolor acutè stringeret; vasculorum elater non temperatè, mediocriter reagens pus non conficeret, gangrena immineret, Verbo

dicam : habitū graduum ratione, topica sint molliter, ut ita dicam, corroborantia. Sic indicationibus obtemperas, teque à diverso symptomatum concursu feliciter & uno tenore expedis : nec antiquorum more crudeliter, aduris, mysteriisque inhians non per mille topica specificè condita curam affectas Dedalæam. Cùm autem agatur in thesi de recenti vulnere, quæ chronico competunt omittenda, nec ulterius excurram.

V.

**O**LIM in vulneribus capitis *vel* *ut* *hinc* Hippocraticum quodam modo venerantur : illam humanæ mentis arcem non nisi grandiori Chirurgiæ apparatu &meticulosè tueri tentabant. Faciem prætulit experimentum & ratio. Nisi enim forriorem Pericranii contusionem symptomata testentur, quidni simplex sit vulnus, simplex curatio ? Idem sanè sentiendum de vulneribus Thoracem & infimum ventrem penetrantibus ; nam quid sibi volunt ii, qui stylo tanquam pugione malum sæpidū absens frustra interrogant, novū addunt ? Suum natura diverticulum per signa Chirurgus patefacit, quæ nisi proferantur, fiseat & Chirurgus. Nec potiori jure osium exfoliationem expectant & promovent, si vulnus illa nudaverit ; dummodò diuturnior aeris contactus & contusio simpliciorem non dimoveant curam. Non majorem curandi apparatus partium tendinosarum & nervearum vulnera exposculant ; iis enim vel solum terebenthinæ oleum, vel aliud quid simile deterfivi, digestivi, cicatrisantisque vicem simul gerit, &c. Naturam tantū sustineamus titubantem, sensim robur ex seipsa suscipiet. Si verò magno illo topicorum contextu, quo turgent olim, quem mylticè prædicabant, obruantur vulnera, languent naturæ vires, retardantur, deviant, fungi pullulant erysipelas efflorescit, labia callent. Antiqui naturæ nescii totum ab arte, nos à naturâ mutamur. Non ita tamen simplicem Chirurgiam volumus, ut mala quæ à quorundam vulnere indole promanare debent, nimium cunctando ipsa non avertat ; nam vulnera per scopetum vel per ensem partibus tendinosis, vel aponevroticis inflicta nisi ampliando quasi relaxaret, error malorum ilias ab humore nidulante intus & corrodeute, & à strangulante fibrarum constrictione suboriretur. Agat Chirurgus ut simplicior cura fiat, non ut implicetur. Denique in quocumque vulnere genere viam sternat ars naturæ simplicem, ad felicem curationis scopum natura citò, tutò, & jucundè perveniet ;

*Ergò vulnere curatio quò simplicior, eò melior.*

#### DOMINI DOCTORES DISPUTATURI.

*M. Edmundus Thomas Moreau, Scholarum Professor designatus.*

*M. Ludovicus-Petrus-Felix-Regnatus le Thieullier, Regii Consiliarius, & in majori consilio necnon in magnâ Regiâ Domû & Franciæ Præfecturâ Medicus ordinarius & Chirurgiæ Gallico idiomate Professor designatus.*

*M. Ludovicus-Claudius Bourdelin, antiquus Facultatis Decanus, Regiæ Scientiarum Academia, Regiæque Societatis Berolinensis Socius & in Horto Regio Chymici Professor.*

*M. Joannes-Baptista Thurant.*

*M. Petrus-Ludovicus-Maria Maloit, Scholarum Professor.*

*M. Michael-Ludovicus Verna-*

*M. Carolus Gillot.*

*M. Alexander-Dionisius Dienert, Bibliothecæ Facultatis Præfatus.*

*ge Eques, & Regius Censor.*

*M. Claudius-Antonius Renard.*

Proponebat Parisiis ACHILLES GUILLELMUS LEBEGUE DE PRESLE, Aurelianensis, Doctor Medicus Remensis, saluberrimæ Facultatis Medicinæ Parisiensis Baccalaureus, A. R. S. H. 1760.

A SEXTA AD MERIDIEM.

Typis Viduæ QUILLAU, Universitatis & Facultatis Med. Typographi, 1760.